

॥ मन्यु सूक्तम् ॥

ओं । यस्ते॑ म॒न्योऽवि॑धद्व॒ज्र सा॒यक॒ सह॒ ओजः॑
 पु॒ष्यति॒ विश्व॑मा॒नुषक् । सा॒ह्याम॒ दास॒मार्यं॑ त्वया
 यु॒जा सह॑स्कृ॒तेन॒ सहसा॒ सह॑स्वता ॥ म॒न्युरिन्द्रो॑
 म॒न्युरेवा॑सँ दे॒वो म॒न्युर्हो॑ता वरु॒णो जा॒तवे॑दाः । म॒न्युं
 विश॑ ईळते॒ मानु॑षी॒र्याः पा॒हि नो॑ म॒न्यो तप॑सा स॒जोषाः॑ ॥
 अ॒भीहि॑ म॒न्यो तव॑स॒स्तवी॑यान्तप॒सा यु॒जा वि ज॑हि
 शत्रू॑न् । अ॒मि॒त्रहा॑ वृ॒त्रहा॑ द॒स्युहा॑ च॒ विश्वा॒ वसू॑न्या
 भ॒रा त्वं नः॑ ॥ त्वं हि॑ म॒न्यो अ॒भिभू॑त्योजः स्वयंभू॒र्भामो॑
 अ॒भिमा॑तिषा॒हः । विश्व॑च॒र्षणिः॒ सहुरिः॑ सहा॒ वान॒स्मास्वो॑जः
 पृ॒तना॑सु धेहि ॥ अ॒भा॒गः सन्न॑प॒ परे॑तो अस्मि॒ तव॑
 क्र॒त्वा तवि॑षस्य॒ प्रचे॑तः । तं त्वा॑ म॒न्यो अ॒क्रतु॑र्जिहीळा॒हं

स
 प्र
 ह
 मे
 म
 स
 अ
 अ
 ह्य
 मि
 स
 न

स्वा त॒नूर्ब॑ल॒दे॒याय॑ मे॒हि ॥ अ॒यं ते॑ अ॒स्म्युप॑ मे॒ह्यर्वा॑ड्
 प्र॒तीची॑नः स॒हुरे॑ वि॒श्व॒धायः॑ । म॒न्यो व॑र्जि॒न्न॒भि॒ मामा॑ व॒वृत्स्व॑
 ह॒ना॒व द॑स्यूरु॒त बौ॑ध्या॒पेः ॥ अ॒भि प्रे॑हि दक्षि॒णतो॑ भ॒वा
 मेऽ॒धा वृ॒त्राणि॑ ज॒ङ्घ॒नाव॒ भूरि॑ । जु॒होमि॑ ते ध॒रुणं॑
 म॒ध्वो अ॑ग्र॒मुभा॑ उ॒पांशु॑ प्रथ॒मा पि॒बाव॑ त्व॒या म॒न्यो
 स॒रथ॑मा॒रुज॑न्तो ह॒र्षमा॑णासो धृ॒षिता॑ म॒रुत्वः॑ । ति॒ग्मेष॑व
 आ॒युधा॑ सं॒शिशा॑ना अ॒भि प्र॑ य॒न्तु॒ नरो॑ अ॒ग्निरू॑पाः ॥
 अ॒ग्निरि॑व म॒न्यो त्वि॒षितः॑ स॒हस्व॑ से॒नानी॑र्नः स॒हुरे॑
 हू॒त ए॑धि । ह॒त्वाय॑ श॒त्रून् वि॑ भ॒जस्व॑ वे॒द ओजो॑
 मि॒मानो॑ वि मृ॒धो नु॑दस्व ॥ स॒हस्व॑ म॒न्यो अ॒भिमा॑ति॒मस्मे
 रु॒जन् मृ॑णन् प्र॒मृणन्॑ प्रे॒हि श॑त्रून् । उ॒ग्रं ते॑ पा॒जो
 न॒न्वा रु॑रु॒ध्रे व॒शी व॑शं न॒यस॑ एक॒ज त्व॑म् ॥ ए॒को

ब॒हूना॑मसि॒ मन्य॑वी॒ळितो॑ वि॒शं॑ वि॒शं॑ यु॒धये॒ सं
 शि॑शाधि । अ॒कृ॒त्तरु॑त्तवया॒ युजा॑ व॒यं द्यु॑मन्तं॒ घोष॑
 वि॒जया॑य कृण्महे ॥ वि॒जे॒षकृ॑दिन्द्र॒इवान॑व॒ब्रवो॑ऽस्माकं
 मन्यो॑ अधि॒पा भ॑वेह । प्रि॒यं ते॒ नाम॑ स॒हुरे॑ गृणीमसि
 वि॒द्वा तमु॑त्सं॒ यत॑ आ॒बभू॑थ ॥ आ॒भू॒त्या स॒हजा॑ व॒ज्र
 सा॒यक॑ स॒हो बि॑भर्ष्य॒भिभू॑त॒ उत्तर॑म् । क्र॒त्वा नो
 मन्यो॑ स॒ह मे॒घैधि॑ महा॒धन॑स्य॒ पुरु॑हूत॒ संसृ॑जि ॥
 संसृ॑ष्टं॒ धन॑मु॒भयं॑ स॒माकृ॑तम॒स्मभ्यं॑ दत्तां॒ वरु॑णश्च
 म॒न्युः । भि॒यं द॑धाना॒ हृद॑येषु॒ शत्र॑वः॒ परा॑जितासो
 अप॒ नि ल॑यन्ताम् ॥

॥ ओं शान्तिः॒ शान्तिः॒ शान्तिः॑ ॥



ओं

जि

आ

ऊ

शि

मा

जि

स

अ

दे

पू

वी